



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 395. Usque Ad Annum 428

Fleury, Claude

August. Vind. [u.a.], 1759

VD18 90117794

§. 34. Epistolæ ad Africanos.

[urn:nbn:de:hbz:466:1-66042](https://nbn-resolving.org/urn:nbn:de:hbz:466:1-66042)

quia Jesu Christi Divinitatem negabant, Sæculum V.
S. Innocentius Papa ad Laurentium, Epis- A.C. 416.
copum Segniensem rescripsit, ut eos eji-
ceret, sicut Dux eorum, nomine Marcus, ep. 21.
Roma fuisset expulsus; caveret quoque, ep. 20.
ne homines simplices, & agrestes sedu-
cerent.

§. XXXIV.

Epistolæ ad Africanos.

Anno 416. sub Palladii Consulatu, secun- ep. 12.
da Junii, S. Innocentius Papa ad Au-
relium Episcopum Carthaginensem se-
veram circa Ordinationes Epistolam scri-
psit. Indignum in Africa Ecclesiæ sta-
tum dolet, & queritur, tantam esse Epis-
copos eligentium incuriam, ut hanc ne-
mo nesciat, & Præfecti in suis Epistolis
publice vituperent. Clericos, in amore
scientiæ, & ministerio Ecclesiæ enutri-
tos, rejici, econtra homines, negotiis im-
plicitos, & quorum mores nihil nisi Sæ-
culum sapiunt, subito ad Sacerdotium
evehi. Aurelium rogat, ut Epistolam
suam in omnibus Africæ Ecclesiis præle-
gi jubeat, unacum Epistolis Præfectorum,
quas ei submittebat. Hoc malum a Cle-
ricorum paucitate originem forte trahe-
bat, de quo defectu Aurelium queritan- Sup. XXI.
tem in pleno Concilio vidimus. S. In- §. 13.
nocentius Papa, acceptis Epistolis Syno-
dalibus Concilii Milevitani, atque Episto-
la

Sæculum V.

A. C. 417.

*Inn. ep. 24. 25**ap. Aug. 181.**182. al. 91. 93**ep. 181. n. 8. 9**ep. 182. n. 6.**ep. 183.**Innoc. 26.*

la familiari quinque Episcoporum, respondit tribus Epistolis separatis, eadem die datis, scilicet sexto Calendas Februarii, post septimum Theodosii, & Junii Quarti Palladii Consulatum, seu Honorio, & Constantio Consulibus, id est, vigesima septima Jan. anno 417. Episcopus Julius, qui litteras Africanorum attulerat, etiam responsorias retulit. Primæ duæ, quibus ad duas Epistolas Synodales respondet, ferme similes sunt. Initio Papa Episcopos Africanos laudat, quod pro more antiquo consilium exquisierint sanctæ Sedis, cujus auctoritatem, & Dignitatem extollere non omittit. Summam Doctrinam Catholicam de Gratia assent, damnatque Pelagium, Celestium, & Sectatores eorum, a Communione Ecclesiæ separatos pronuntiat, iterum tamen recipiendos, si erroribus suis renuntiaverint.

In Epistola tertia, qua ad quinque Episcopos respondet, S. Innocentius Papa inquit, nec affirmari a se, nec negari in Romæ Pelagianos invenire sit; si enim adsint, has occultare se, & in tanta hominum multitudine non facile detegi possent, subjungit, de Pelagio loquens; *Credere non possumus, fuisse absolutum; quoniam homines Laici Acta ad nos attulerunt, quibus se erroribus immunem pronuntiatum dicit; sed de Actorum istorum veritate*

n. 3.

tate ideo dubitamus, quod ipsius Concilii ^{Sæculum V.}
 nomine ad nos missa non fuerint, nec ul- ^{A. C. 417.}
 lam ab iis, qui interfuere, Epistolam ac-
 ceperimus. Si enim Pelagius sententiam
 pro se latam demonstrare potuisset, non
 neglexisset, a Iudicibus suis postulare, ut
 eam nobis communicarent. In ipsis A-
 ctis, quæ ipsi objiciebantur, pure & præ-
 cise non diluit, sed statum quæstionis de-
 clinare, & intricare conatus est. Itaque
 hoc iudicium nec laudare, nec vituperare
 possumus. Si Pelagius sciat, nihil sibi
 timendum, non nostrum est eum accersere,
 sed magis ipsius est celerriter ad nos venire,
 & omni contentione instare, ut absolva-
 tur. Si in suis opinionibus persistit,
 etiamsi per Epistolas advocaretur, nun-
 quam iudicium nostrum periclitari aude-
 bit. Si autem ipsum in iudicium vocari
 oporteret, ab iis, qui ei propinquiore habi-
 tant, id fieri expediret. Librum qui
 ipsius esse dicitur, & quem ad nos misistis,
 totum legimus. Multas in eo invenimus
 propositiones, Dei Gratia adversantes,
 multas blasphemias, nihil, quod nobis pla-
 cuerit, ferme nihil, quod non displicuerit,
 atque ab omnibus probis rejiciendum non
 sit. Hoc est S. Innocentii Papæ de Pe-
 lagii Doctrina iudicium.